


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-88	Al-Ghasyiah	26	1	Makkiyyah	Ke-68	4





### Zaman Diturunkan

Daripada ayat pertama Surah al-Ghasyiah dapat diketahui ia diturunkan selepas da'wah secara terbuka bermula sekitar tahun ke-4 hingga ke-5 Kenabian. Zaman itu juga disebut sebagai zaman تذكير (zaman mengingatkan manusia kepada ajaran yang benar)

فَذَكِّرْ إِنَّمَا أَنْتَ مُذَكِّرٌ Berilah peringatan, kerja kamu hanya memberi peringatan.

### Kelebihan Surah Al-Ghasyiah

Rasulullah s.a.w. membaca Surah al-A'la di dalam rakaat pertama shalat Juma'at dan shalat dua hari raya, di dalam rakaat yang keduanya Baginda membaca Surah al-Ghasyiah. Shahih Muslim, Kitab Juma'at, Bab bacaan pada shalat Juma'at, hadits 2,065 daripada Nu'man bin Basyir.

Daripada kenyataan tersebut diketahui Rasulullah s.a.w. sangat mahukan surah-surah berkenaan dihafal oleh semua orang dan difahami kandungannya dengan baik oleh mereka.

### Perkaitan Surah Al-Ghasyiah Dengan Surah Sebelum Dan Selepasnya

1. Surah al-Ghasyiah seperti Surah al-A'la sebelum ini, ada menggunakan perkataan فَذَكِّرْ sebagai arahan kepada Rasulullah supaya memberi nasihat dan peringatan kepada orang ramai.
2. Di dalam Surah al-A'la sebelum ini tersebut api yang besar (النَّارَ الْكُبْرَى), di dalam Surah al-Ghasyiah pula disebutkan azab yang besar (العَذَابَ الْأَكْبَرِ).
3. Di dalam Surah al-Ghasyiah keadaan ahli syurga dan ahli neraka digambarkan dengan 2 gambaran yang berbeza, (Ayat: 2):

رُجُومٌ يُومَذُ خَشِيعَةً

2. Muka (orang-orang yang kafir) pada hari itu tunduk kerana merasa hina, dan (Ayat: 8):

رُجُومٌ يُومَذُ نَاعِمَةً

8. (Sebaliknya) muka (orang-orang yang beriman) pada hari itu berseri-seri, Di dalam Surah al-Fajr akan datang, ahli syurga dan ahli neraka disebutkan dengan النفس المطمئنة (jiwa yang tenang) dan النفس غير المطمئنة (jiwa yang tidak tenang) sebagai perbandingan.

### Beberapa Kata Kunci Dan Tema Utama Surah

Dinyatakan di dalam surah ini bahawa Rasulullah hanyalah مُذَكِّرٌ (pemberi nasihat dan peringatan), beliau bukan مُصِيطِرٌ (orang yang memaksa), bukan kerja beliau memaksa orang menerima tauhid dan Islam, ia merupakan tema kebebasan beragama. Da'wah kepada agama hendaklah berasaskan keikhlasan dan kasih sayang di samping dalil-dalil yang cukup.